



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 7. An Sponsalia de futuro dissolvantur per alia subsequentia pariter de futuro?

[urn:nbn:de:hbz:466:1-73058](#)

nis, aut quando sunt respectu diversorum. Primum probatur in casu, quo concurrunt duo præcepta incompossibilia; *unum, naturale, alterum, humanum*: ubi hoc illud cedere debet, esto sint vincula diversæ rationis; ut si charitas in gravi necessitate proximi urgeat, dum esset audiendum, sacram, dicenda horæ canonicae, &c. Deinde in casu, quo equum Cajo promissum Tito tradis accepto precio, teneris equum tradere Cajo, si eundem à Tito redimas, vel alio modo legitimè recipias; & tamen utrumque vinculum est ejusdem rationis (nimurum justitiae) quin per posterius extinguitur prius, licet illud isto fortius sit, quia sunt respectu diversorum; & per hoc, quod primum, remaneat cum secundo, secundo Creditori nihil detrahitur; detraheretur autem, si extingueretur; at sic contingit in nostro casu; Ergo.

^{16.} Hinc quando dicitur, quod obligatio, semel extinta, non reviviscat, ut habetur in c. *Queris*, Dist. 4. de *Consecrat.* & L. *Qui res* §. *Arcam ff. de solutionibus*: item quod obligatio fortior supervenientis (nimurum professio in ordine laxiori) obligationem priorem (nempe votum simplex intrandi strictiorem) licet ejusdem rationis, extinguit, ex c. *qui post. 5. de Regulribus in 6.* Resp. concedendo, non reviviscere obligationem semel extintam; sed obligationem Sponsalium, ex eo, quod una pars de praesenti contrahat cum alia, non probatur ullo jure extinctam esse, ut ostensum est. Quare negatur suppositum. Quod autem votum, ingredien- di strictiorem religionem, extinguitur facta professione in laxiori, habetur aperte ex dispositione juris positivi, in cit. c. *Qui post*, ubi hoc tribuitur *solemnitati votorum* laxioris religionis professæ; eam autem solemnitatem esse tantum juris positivi Ecclesiastici, aperte decimus est c. *Unico de Voto in 6.* sic *Barbosa ibid. n. 3.* & communis.

^{267.} Deinde à professione, in laxiori ordine, solvente simplex votum ineundi strictiorem, non rectè concluditur etiam per matrimonium cum alia solvi fidem prius datum alteri per Sponsalia de futuro. 1. Quia professio nunquam liberatur à secundo vinculo, nisi morte propriâ: Sponsus autem liberari potest à secundo vin-

culo morte Uxor, ipso superstite. 2. quia in secundo casu, per commodum, quod fit per matrimonium cum secunda, damnificatur prima; in primo autem casu, loco voti simplicis, redditur DEO professo; quia, licet sit laxioris statutus, continet majorem cultum DEI, quam præcisè ingressus in strictiorem, & ejus votum simplex.

§. 7.

An Sponsalia de futuro dissolvantur per alia subsequentia pariter de futuro?

Quæstio procedit, si prima Sponsalia ^{268.} sint inita purè, ac legitimè; nec ante secunda Sponsalia de futuro cum alio ex alio capite dissoluta; quo posito communis tenet primam Sponsam, cui fides in dato casu violatur, liberari; ac, si velit resilire, posse; de sponso autem, seu parte violante fidem, responsio est negativa; quia secunda Sponsalia, cum sint contra fidem datam primæ, sunt iniqua, & de re illicita, adeoque irrita, & nulla ita communis.

Not. autem conclusionem procedere, licet secunda Sponsalia forent jurata. Nam etiam in tali casu Sponsalia nullius valoris sunt; cum sint de te iniqua, & contra ius quæsumum primæ Sponsæ. Coll. ex c. *Quamvis pactum de pactis in 6.* ubi dicitur, *juramentum pacto appositum* (quo filia renuntiavit paternis bonis acceptâ dote) *servandum est, cum non redundat in alterius detrimentum*: ergo ubi redundat in alterius detrimentum, servanda obligatio non est; ne juramentum sit vinculum iniquitatis, constringens ad id, quod licet fieri non potest. Idem habetur in c. *cum contingat. 28. de Jurejurando*, ibi: *servari debent hujusmodi juramenta; cum in alterius prejudicium non redundant*.

Dices: tota ratio in præsenti, ob ^{269.} quam non teneret juramentum appositum secundis Sponsalibus contra fidem datam alteri, est ex eo, quod ubi non tenet principale; nec teneat accessorium; sed hoc fallit in aliis casibus, ergo & in præsenti. Min. pat. ex c. *Debitores 6. de Jurejurand.* ubi dicitur: *eum, qui se obligavit, ad usuras solvendas, solvere non cogendum, nisi juraverit.* ubi glossa, V. *Cogi non debet, ait, & sic*

& sic putat, quod, licet non teneat principale, teneat tamen accessorium. Deinde in cit. c. Cum contingat, habes, quod juramentum præstitum super actum, à lege confirmato principaliter favore jurantis, necessariò sit obseruandum: ergo valet juramentum, licet non valeat principale, seu actus, cui adjicetur.

270. Resp. quandocunque actus, cui robando accedit juramentum, est de re iniqua, & illicita jure naturali, vel divino, nec actum, nec juramentum valere; c. Quantiò, de Jurejurand. sic enim jurans manifestè obligaretur ad peccatum; contrahere autem cum secunda, contra fidem datam primæ, est res iniqua, & illicita jure naturali, & divino: ergo sicut non valent secunda Sponsalia, sic nec valeruntur illis accessoriū. Deinde certum videtur, non tenere juramentum accessoriū, ubi nullo jure tenet principale; sed in dato casu secunda Sponsalia nullo jure tenent; ergo nec juramentum. Accedit, quod neque tunc juramentum, licet servari (consequenter valere) possit, quando contra Canonica statuta, illicitis passionibus informatur, ut expressè dicitur in c. Cum contingat. 13. de foro competente.

Quare datâ majori. N. min. Nam clari juris est, ut ait glossa in cit. c. Cum contingat, quod, si contractus non tener, vel pactum, juramentum de obseruando ipsum contractum, vel pactum, non teneat, neque obliget, ut etiam dicitur L. non dubium C. de Legib. Nam juramentum non est vinculum iniquitatis. c. Cum inter cetera. 22. q. 4. & c. Quantiò, de Jurejurand. quod saltem verum est, quando pactum, servari non potest sine peccato, prout contingit in præsenti. Hinc,

271. Ad c. Debtores. Resp. cum gloss. ibid. V. Reddere juramentum; Cum in eo casu, aliquo modo licet obseruabile sit juramentum (nam solvere usuras, non est peccatum, alia qui jurarunt se solutores, non compollerentur c. si peccatum. 22. q. 1. licet peccet, qui eas recipit) non est nimurum, quod jurans, solvere debeat, licet alter sine peccato non recipiat; cum fieri possit, quod in eodem facto unus peccet, alter non, ut notat ibid. gl. cit. ex c. Proposito 32. q. 5. Nam mulier violentè oppressa, toto animo renitens, non peccat pec-

cante oppressore. Deinde valde probabile est, in eo casu, usuras non esse solvendas ex obligatione, saltem absolute; nec ad hoc cogendum, nisi solùm ex suppositione, quod non petat solvi à juramento, ut not. gloss. V. cogendi sunt, nimurum vel non agendo contra Creditorem, ut à juramento, solvendi usuras, Debitorum liberet, eas non exigendo; vel non opponendo exceptionem in iustitia, quam Creditor exigendo facit; licet oppositum teneat Pirhing. de Jurejurand. n. 64. volens ante solutionem Debitori non competere actionem, vel exceptionem, sed immerito, cum clara sit iustitia Creditoris in exigendo. Quare in dato casu non probatur, valere Sponsalia secunda in vim juramenti, est non valeant in vim contractus.

Sed nec probatur, simpliciter valere 272. juramento præstitum super actum, à lege confirmato. I. si actus est nullus jure naturali, vel divino, ut constat ex dictis, deinde, cum est nullus jure Canonico, non innitente præsumptioni falsæ, ut supra ostensum est. Denique etiam in casu, quo est nullus jure civili directè ac principaliter bonum commune respiciente, ex communī regula, quod cadente principali corrut etiam accessoriū. Neque hoc infringitur ex eo, quod dicitur in c. Cum contingat. Nam ibi nullitas consensū, quam præstat mulier in alienationem rerum dotalium, jure civili inducta est principaliter in favorem mulierum, cui favori renuntiare præsumitur, quando contra favorem sibi concessum, consensum suum roboret per appositum juramentum. Unde sic potius est per se stans, quam accedens actui, lege confirmato, ut bene in simili notat Pirhing. de jurejurand. n. 64. in fin.

§. 8.

An, qui post prima Sponsalia contraxit de futuro cum alia, obligetur ex his, si prima cessent?

Affirmativam sequitur Rebellus I. 4. 273. q. 8. f. 8. concl. 4. & alii. Quia Sponsalia, relata in tempus, quo priora Sponsalia soluta sunt, non continent promissiōnem rei illicitæ, nec sunt contra datam fidem primæ. Hoc existimō verum, si con-